

REGLUGERÐ

um hollustuhætti í mjólkurbúðum í Reykjavík.

1. gr.

Mjólk má ekki selja nema úr búðum, sem til þess hafa fengið sérstakt leyfi. Þó má leyfa sölu á mjólk beint frá framleiðendum til neytenda. Einnig er heimil mjólkursala á matsölu- og veitingahúsum til neyzlu þar. Ekki má selja mjólk á götum úti, nema með sérstöku leyfi heilbrigðisnefndar.

2. gr.

Húsakynni skulu vera björt og rúmgóð með góðri loftræstingu, svöl og hrein, varin rottum og flugum, ryki og sterku sólskini, enda viti gluggar ekki í suðurátt. Gólf skulu vatnsheld og auðvelt að halda þeim hreinum. Veggir skulu lagðir flisum og nái flisarnar að minnsta kosti 1.60 m frá gólfi. Loft skulu olíumáluð hvít, svo og veggir fyrir ofan flisar.

Hundar, kettir eða önnur húsdýr mega ekki koma inn í húsakynnin.

Inngangur skal vera í búðina beint af götu og ekkert samband má vera milli hennar og íbúðarherbergja.

3. gr.

Heilbrigðisnefnd getur krafizt sérstaks kæliútbúnaðar, ef hún telur ástæðu til. Vatnsleiðsla skal vera í húsakynnunum og greiður aðgangur að salerni og þvottaskál, enda skal starfsfólkið jafnan þvo hendur sínar, er það hefur notað salerni.

Vatn það, sem notað er til kælingar eða þvotta skal fullnægja kröfum þeim, sem gerðar eru til drykkjarvatns.

Ef heilbrigðisnefnd mælir svo fyrir skal flutningur á mjólk og mjólkurafurðum frá dreifingar- og gerilsneyðingarstöð, svo og öðru því, sem selt kann að vera í mjólkurbúðum, eiga sér stað í lokuðum, yfirbyggðum ökutækjum og umbúnaður þeirra á þann veg, að unnt sé að gæta fyllsta þrifnaðar.

4. gr.

Afgreiðsluborðin skulu lögð gleri eða öðru því efni, er heilbrigðisnefnd telur jafngilda til hreinlætis. Ekki má geyma mjólk eða aðrar vörur á afgreiðsluborðum. Hillur og skápar skulu þannig gerð, að auðvelt sé að halda þeim hreinum og verja þau ryki.

5. gr.

Í mjólkurbúðum má aðeins selja gerilsneydda mjólk, og eingöngu í lokuðum flöskum fylltum á gerilsneyðingarstöðinni, ef heilbrigðisnefnd mælir svo fyrir.

Þó getur heilbrigðisnefnd leyft sölu á ógerilsneyddri mjólk í einstökum mjólkurbúðum, ef sérstakar ástæður eru fyrir hendi, og þá eftir alveg sérstökum fyrirmælum.

6. gr.

Ef leyfð er sala á mjólk eða rjóma í lausu máli, getur heilbrigðisnefnd krafizt að mjólkin og rjóminn sé geymdur í lokuðu ílátum með krana af þeirri gerð, sem heilbrigðisnefnd tekur gilda. Skal það ekki opnað nema til hreinsunar og fyllingar. Í ílátum þessum skal vera útbúnaður til þess að hræra í mjólkinni, áður en rennt er úr krananum, svo ekki setjist rjómi ofan á í geymslukerinu.

Mælitækin skulu geymast í lokuðum skáp og þannig útbúin, að hendur mæl- 71
endanna snerti þau aldrei að innanverðu. Skulu þau vera til skipta, svo hægt sé að 30. marz
hreinsa þau öðru hverju og skal það gert úr sjóðandi vatni.

7. gr.

Í mjólkurbúðum má aðeins selja mjólk og mjólkurafurðir, þar með talið smjör, ostur og skyr. Ekki mega kaupendur neyta varanna í búðinni.

Forðast skal þó mjólkurvörur, sem megn lykkt er af, svo sem sumar ostategundir. Heilbrigðisnefnd getur þó rýmkað þessi ákvæði við þær búðir, sem eingöngu selja mjólk í lokuðum flöskum.

8. gr.

Enginn má starfa í mjólkurbúð, nema hann hafi læknisvottorð sem sanni, að hann sé ekki haldinn næmum eða óþrifalegum sjúkdómi. Skal vottorð þetta ekki eldra en mánaðargamalt, þegar hann tekur til starfa, og ber að endurnýja það á ársfresti.

Starfsfólk í mjólkurbúðum, sem hefur kvef, hálsbólgu eða sóttthita, skal þegar í stað hætta vinnu í búðinni og á þá þangað ekki afturkvæmt fyrr en það leggur fram læknisvottorð um að af því stafi engin smitunarhætta. Sama gildir og ef það þjáist af niðurgangi, þó að honum fylgi ekki sóttthiti.

9. gr.

Starfsfólk í mjólkurbúðum skal við vinnu sína vera í hvítri hreinni yfirhöfn með hvíta húfu á höfði, er hylji hárið að fullu.

Hrein handklæði og sápa skal jafnan vera hjá þvottaskálanum.

10. gr.

Peninga má ekki leggja á þann hluta afgreiðsluborða, sem umbúðarlausar matvörur eru afgreiddar á, né láta þá snerta umbúðarlausar matvörur.

Reglugerð þessi staðfestist hér með samkvæmt lögum nr. 35 12. febr. 1940, til þess að öðlast þegar gildi sem breyting á heilbrigðissamþykkt Reykjavíkur nr. 3 frá 30. jan. 1905.

Í heilbrigðismálaráðuneytinu, 30. marz 1946.

Finnur Jónsson.

Ragnar Bjarkan.

REGLUGERÐ

um fasteignaskatt til Siglufjarðarkaupstaðar.

72

27. apríl

1. gr.

Fasteignaskatt skal greiða í bæjarsjóð Siglufjarðar af öllum fasteignum á lög- gilttri verzlunarlóð Siglufjarðar, svo sem fyrir er mælt í reglugerð þessari.

2. gr.

- a. Af venjulegum íbúðarhúsum með lóðum, túnnum og görðum 0,4%.
- b. Af íbúðarhúsum, sem í er verzlun, skrifstofur, vinnustofur, verkstæði o. fl. þess háttar, enn fremur af öllum fasteignum Sildarverksmiðja ríkisins 0,7%.
- c. Af óbyggðum lóðum 2%.